

寓庵集卷一

元 李庭

四言詩

太史詩

序并

太史詩美睦守楊公綱也公嘗攝太史令
朝廷謀誅權臣公與其議既而告老家居
適天下多故復起公公守睦睦有邑曰淳
安民誣怨家為亂眾欲以兵往公不可聲
言賑飢親造於邑卒明其誣以歸邑人德
之乃圖公像以示永久像太史令法服也
故作太史之詩



太史氏楊弁服有常鏘鳴珩璜奉祠烝嘗天子有怒
誅冀滅爽綸言式降兵解卒亡不刃以筆公謀孔臧
吳山峩峩吳水泱泱公歸燕間曰予故鄉遭時不靖
赤子弄兵起公守睦以瘡斯狂睦有燬色疲民皇皇
巧言訟變厲彼一方吏貪卒驕曰庸斧戕公曰毋往
我車獨行不震不驚言遺之糧公至于邑民無亂萌
野有秉耒巷有雞鳴公喜而歸民用不傷公如父母
公如神明乃圖公像太史之章匪無緇撮卉衣練裳
亦有金紫被之煌煌太史之服太守之光式稱厥德
永矢弗忘

對鏡

李生李生本自冥冥乾坤陶鑄假合成形譬如蘧廬
暫來看守遂立名字認為己有維昔稚齒婉如清揚
今其幾日鬢鬢蒼蒼變化無常是豈真我向來未生
喚作甚麼半生憂患職汝之由自今識破百病俱瘳
飢飲渴飡流行坎止無慮無思委順而已忘形詩酒
寄傲林泉九泉可作吾師樂天

五言古詩

寄江南經略使李景儀同年

使者天上來旌節何輝輝中達豈不通六轡不可馳

駕言涉東海慰此南人思海水深一尺中有五寸泥
泥深柁不轉蛟鼉出無時神龍尚可馴何以蛟鼉為
白日照萬里使者毋遲遲

龍泉西宮贈經略帖司馬

玉人抱幽姿玄宮倚清秋無云安所遇心如溪水流
溪水日夜流王事無時休甯當解弓力飲牛西澗頭

發松溪過南浦

始來此邑中恆慮政無成自春及徂冬累月勞經營
鼯鼯不忍啼況復豺虎橫深山有露積曠野無持兵
欣欣魚鳥適翳翳草木榮小康諒無補多難何由平

方將擇幽壑解鞅怡道情如何致文檄再往西南行
公館晨風發我車不可停回顧望舊山憮然辭友生

別子白

大風起原野嘉禾無停柯皇綱一失御冠蓋罹干戈
得從君子游怨彼歧路多相見豈不歡又如相別何
理亂各異時愚哲不同科鳳凰在千仞高翔避虞羅
君行且夷猶我歸日蹉跎有懷不能宣慷慨同悲歌

別臺端諸公

昔建行臺也十二章而已今之建行臺萬事無不理
平定江之南在此一舉爾煌煌郭令公倚注自天子

羣公館閣彥妙選置端揆任重謀當深勿以憂為喜
先渡浙江潮次飲石頭水上以答明時下以報知己
此志君莫渝人生會當死

秦州袁孝子

青青城上草賊入城南道煙焰已及門出門苦不早
有女雙結鬟有妻紅粉顏哀哉不能顧扶母出重關
重關不見人穰穰盡紅巾遇之不敢語母子命如縷
邂逅得生全妻女亦來前人亂天下亂孝感非偶然
逢人問長兄顧家不顧親家亡身亦喪匪為天不仁
天理固昭昭人心自昏昏作詩示勸懲庶使薄俗敦

贈曾子白修撰己亥歲自京師至閩中往返

三次復為軍中所困

秦傾徐福去漢弱管生行依僚尚可還求仙諒無成
發船東海上聊欲全其生全生豈所宜以無好爵縻
君今得清譽筮仕值刃兵一年三渡海計日不計程
固為人所重亦為人所輕天運不終否否極君子亨
善保天官書他時紀承平

倉中盤糧

茲承薇省命廩粟計其贏太守前致辭倉吏羅前庭
積陳有紅腐所願加量平出納守常則刻深非素情

鞭笞得增羨不知無令名還恐周防疏遂令疵類生
終朝坐塵土欲歸猶自局

監支義兵糧

指廩給軍儲人人持左券爭先更取盈不得俱貽怨
昔是何人耕今作何人飯寧令倉鼠肥天下旌旗偃

送姚德寬大使還解

維昔金運衰四海兵浩浩真人起朔方氛祲付一掃
姚侯并門秀風雲見幾早因時正鹽筴為國佐征討
雍容佩金節積功滿十考一心了無諍萬事但稱好
著身豺虎羣竟以明哲保傳家有佳兒拂衣遽高蹈

功成名復遂身退乃天道白雲既無拘青山可娛老
何須訪羨門方寸即蓬島

別離

良人遠行邁折贈黃金釵凝塵暗華色音響無由諧
高山亦有巔海水亦有涯軒車久不來喟然傷我懷

題夢鶴軒

諸夢緣心生如瞽見日影貪人恆夢錢渴人恆夢井
余生事纓組黃塵沒雙脰大夢在目前逐逐猶未醒
君今夢白鶴鶴去夢已醒蕙帳宵漏長沈沈白雲冷

題蘭子野晚節軒

荆山聳空碧北顧臨大河中有幽人居澹然養天和
一官初無心俯身就詞科青衫未從事歸來換漁蓑
丹心老逾壯清議今已多有如澗底松歲寒不改柯
位高被指視考下遭譴訶軒中百不知西風黃菊歌
幽蘭在空谷砥柱閱逝波應笑長安人入朝肩相摩
蹇余不自量朋友思切磋為問謝東山其如蒼生何

題湖心寺水南軒

流水從何來到此南窗前逝者已萬里未來不計年
今日海中浪往時山下泉孰云有增減出處隨其緣
汲者不離井耕者不離田日月有輪轉光華長在天

以我曠蕩懷證此清淨淵風來波不起閉戶枕書眠

題雪臺觀萃芳軒

昔聞謝康樂最愛永嘉山區區費屣齒登陟不暫閑
何如此道人結廬雲水間週遭千萬峰一一擁髻鬟
蓮池千丈花飄香落柴關坐卧嵐氣堆初不勞躋攀
道人復何為金鼎鍊大還吸此靈秀氣養成冰雪顏
一朝梨棗熟催赴寥陽班穩騎_芋龍去逍遙謝塵寰

題荆樹軒

青青紫荆樹上有雙啼烏烏啼聲啞啞風隨尾畢逋
莫啄紫荆花莫踏紫荆枝啼烏尚可飛兄弟不可離

題扈正之愚軒

賈誼遂以才晁錯死以智才智豈不佳反為身之累
甯武智而愚誰能企高致顏子叡而愚卒為傳道器
扈君曠達士老練世間事驚禽屢傷弓良醫三折臂
結廬曲江上庭宇幽且邃榜其軒曰愚蓋以愚自戲
外愚中不愚顏甯無以異奴耕與婢織生理足自備
清風一枕眠明月三杯醉敝屣祿萬鍾浮雲馬千駟
冥冥天際鴻仰觀令人愧

送沙平章之福建

黯黯宵雨霽草木涼無輝鳴笳發車騎既別行者稀

部曲三五人戀戀不忍違遠送諒無益不送情無依
俯視川水流仰觀高雲飛既往不可尼行矣各有歸
今茲正多故元老俱衰微願言加保愛毋使渴與飢

初發金華將之福建

行役苦不易茲晨尤獨難干戈滿州縣壯士起草間
傳聞日夕異居民猶不安況我羈旅人淒涼形影單
攬衣不及正對食胡能餐又當鴻雁飛霜露浩漫漫
宵興即前途喟然增永歎

送經略參謀楊季子過浙東

要路君已勞窮棲余亦獨使節行澗阿白駒在空谷

論事事方艱感時時愈促素髮移壯心黃花慰衰日
濁醪倘可沽今夜山中宿

清安齋

有客晨扣門來求清安詩清安自渠事而我烏得知
干戈久騷屑萬姓含瘡痍富者日益富黃金買歌姬
試看村落間往往皆逃移草茅有拙言但願聞天墀
皇明倘下照發號懲姦欺大官清如鏡不隱毫釐私
小民安如山至死無流離闔境猶一堂和氣長熙熙
頌聲滿渠耳何用求詩為

西鄉書所見

我行山路中何人路傍拜自云懷孟卒遠戍江東界
將軍已云亡歲久弓刀壞部曲無所依自販私鹽賣
賣鹽肩肉歸歸來不償債妻子無復存況傳鄉井敗
哽咽向人言憂愁生百怪愁多歲月長事迫乾坤隘
我亦心感傷搖搖賦行邁

貞節堂

貧人不能忠如妻不能守古道存者稀張君得賢婦
結婚方二年兩婢妾為母孰云已無兒已令夫有後
疾風散文鴛華房失其偶逮下恩已深託孤誼斯厚
辛苦無復言有孫今在手德盛福亦隆天意定已久

我歌貞節詩高堂奉眉壽

遣女

哀宗遘凋謝室人遽云殂弱女未及笄婉孌情所瀕
去年有母在親繫紅羅襦今年不見母雙髻無人梳
含悲守虛位日夕涕漣洳上堂得見我無語立躊躇
豈我不汝知致汝逢艱虞生男當有妻生女必有夫
童昏得令族姆訓庶不踰但憾嬌且小往從他姓居
痛絕臨欲行時復牽我裾喚我一兩聲慟哭升肩輿
幽幽哭聲遠慘慘明月孤可憐今日別再見當何如
猶勝亂離際父子訣路隅

讀樂天詩

寒齋坐無事閑觀樂天詩一篇復一篇終帙不知疲
撫卷想其人百慮春冰澌便如飲醇酎心體俱融怡
夫君古達者聞道超希夷胸中浩然氣不為富貴移
立朝著直節終始無磷淄窮通等一致未見喜與悲
放浪林野間自比榮落期香山月明夜洛水花開時
沈酣溺杯勺諷詠多詩辭襟懷既夷曠文字無欵寄
雖言未嘗言直是忘言師人生能幾時飄若風中絲
巧拙同一死虛名亦奚為得酒且開顏萬事姑置之
作詩不必工醉墨徒淋漓襪翻我自穩任使俗人嗤

古詩二十一首

涉渚采春蘭蘭生不盈握我欲持贈君路遠安可託
昔者承君恩良厚不為薄今君在萬里音書兩冥漠
我憂君不知我意君不察蘭葉何青青馨香隨風發
安得入君懷為君解煩結悠悠終莫致脈脈心不絕
髮衰日已白形衰日已槁誰于形髮間不隨形髮老
浮雲日夕變青山依舊好此理非智求不在讀書早
欲看杜陵花須上長安道

娟娟圓月明照見我心懷明月豈不美我懷自不佳
黃河決金堤東南流入淮誰令州與縣化為狼與豺

人命賤如土委棄不得埋憂來望中宵北斗當空排
機槍不可視默默下西階

農家初闢地日夕把犁鋤荆棘總芟刈新苗漸成區
勤勞不自怠瘠土為膏腴惜彼後來人不念前人劬
耕耘付童稚倉廩隨時虛遂令禾黍場化為榛與蕪
昔以一人耕成此百畝居如何有百畝不能養其軀
牛犢辭故舍華屋為丘墟牧豎不忍視落日空躊躇
蘆葉何挺挺稻葉何垂垂至寶不外眩高才恆自卑
鄙生白首狂甯子扣角悲曾中有所負何必常人知
念彼輕薄兒衣冠空陸離氣隨黃金盡皇皇竟何之

古來觀人者不輕微賤時

早起坐東軒晨風吹我衣
初日出海上海上蒼涼無赫輝
翳翳新木榮交交羣鳥飛
禾黍蔽原野秋實已離離
雖非己所植私欣雨暘時
亂離得安處貧賤何足悲
上山行采薪下山行採蘭
採薪易粟歸採蘭棄草間
雖有君子心不如桃李顏
方知出山賤不知長在山
我欲遺所思路遠風雨寒
嗟哉不能顧俯之淚沈瀾
道傍華表柱下有百年墓
不知何代孫伐賣墳前樹
伐樹尚可忍畏官留禁步
棄地與他人遺骸一朝露
薄葬古所敦雖貧反能固

堂前兩株樹朱夏結層陰
相看坐終日愛此歲寒心
故人離亂間寄我孤桐琴
不辭涉遠道以我為知音
登山覺山高汲井知井深
不經洪爐燃不識真黃金
丈夫同患難方知尺與尋
傷彼市廛人滄滄安足湛
荷花未出水荷葉已田田
何不飄流去中有藕絲牽
荷葉牽藕絲欲去不得去
客子萬里行棲遲在中路
豈無田與廬豈無親與故
丈夫既出門雖親弗能顧
去為人所憐歸為人所慕
安能隨燕雀低飛度朝暮
嫋嫋秋風起撼撼庭樹鳴
浮雲有涼意白日向西行
路有羈旅人自言久徂征
去年役交河今年戍彭城

上功在幕府官職未分明長鎗不得用黃金有餘榮
荆棘被原野流水不復清無官亦歸去天下何時平
遊子念故里日夕心懸懸微軀不自保遠道何當旋
援琴欲撫之一撫兩絕絃蒼天一何高海水一何深
山高與水深不如遊子心安得雙羽翰歸飛投故林
婉婉良家子娟娟好顏色芳年不自愛誤為鄰里識
一朝入漢宮引過長楸側雖然不得憐名在宮人籍
已矣復何言芳菲從此畢

薜蘿生水濱綠葉何委蛇間似蘭與芷被彼清江湄
清江起洪流化為濁水泥憔悴勿復道飄零渺難期
所願薜蘿草微根當自持

浩浩天地間二氣相推移流行不暫息生物迺其宜
天地不生物用此將安施斯人七尺軀不與眾物齊
聰明百骸具豈但食與衣晨興暨夕息凜然當自持
被髮晞朝陽棲遲陟行路春風吹百草歲月忽已暮
客從海上來潔白如秋露吹笙駕玄鶴縹渺雲中度
教我服華池令我顏色固

童子十二三汲水西澗阿水深不可汲白石生清波
俯首濯雙足既行亦既歌上山采紫芝下山牽綠蘿
手持一尺筵捷若猿猱過恐是黃初平驅羊下前坡

我欲往詢之奈此頑劣何

幽幽山中寺釋子二三人晨興擊鐘鼓誼誼誦靈文
齋罷各分散寂然無所聞或坐長松間或行清澗濱
采花獻佛前不喜亦不嗔山頭日未出有客來扣門
自云西州士牧牛三十春問之無可言長歌下青雲
晨起坐西齋羣峯淨如寫初暘上其巔白雲在其下
復有丹碧林闌斑綴原野微風披拂之庭戶亦瀟洒
優游得清翫顧我何如者夢幻既非真榮枯諒成假
諸緣隨所遇悠悠往蘭若

亭亭長松樹白雲護其巔飛鳥不敢下伏苓已十年

蒼鼠從何來便捷不可言倏忽在其後倏忽在其前
睚眦利指爪枝葉無由全念彼歲寒姿受此微物牽
驅之不得去撫之徒自憐

丞相出午門大夫已來迎兄弟同一家無相猶以爭
豈曰無他人雖賢不如親晨出與暮歸以保我弟兄

芒溪漁友

為歸安教諭
戚秉肅賦

水綠溪雨深鶯啼春意久徵車已入門釣竿猶在手
蹇拙甘自棄江湖詎無友邂逅愜予悰烹茶不如酒

擬古寄王壽之

天命固已定智力安能移居易以俟命微倖胡可為

獲禽羞說遇鑽穴賊相窺無益分內事徒令雅道虧
人生天地間一身乃如寄兒女多奚為自速婚嫁累
懷哉塵外客蕭散煙霞地往來從之遊敝屣豈難棄
明堂久不架大匠空華巔朝夕一盂羹智不如栝棧
山苗與澗松結根良偶然時命可奈何君子當樂天

早過諸暨

殘星候曉散涼露棲幽草僕夫在衡門褰衣涉遠道
遠道去遲遲草深行路微徘徊野田間出門恆苦飢
四顧天茫茫烏鳶獨高飛鳳鳥久不來遑遑欲何之

送張推官

鞠育獄固云勞况復遭多事時平重夏楚兵興輕斷割
至忱苟不存人命忽如棄鷓鴣草間啼鸞皇亦憔悴
道路良苦辛歸來莫為吏

寄許時用同年

京洛覲清容邂逅同榮遇薄命趨下僚無才值多故
羽書日夜急各在艱難處微風越水船細雨鄞江樹
相望不相逢杜鵑啼日暮

春草齋

脈脈微雨收習習東風早十日不出門滿地生芳草
柔綠散餘馨深居慙幽抱故舊來者稀寂寞城南道

過揚子江

流沫海氣腥江頭微雨歇
小舟楊柳下停橈待人發
彷彿散雲霧參差望城闕
何處王子喬吹簫翫明月

紫薇花夢中作

幽樹眾芳盡春光猶未歸
山中四五月小窗開紫薇
鳥啄連蒼蘚雨酣迎夕暉
因之慰聊落莫使隨風飛

離鄞謝中丞公送酒時公將之南臺

祥鸞既高舉百草無光輝
徒令烏與鳶上下縱橫飛
翩翩各相好職疏敢言非
雅志已不遂修途竟云歸
感君懷遠別送酒長河湄
酒味如君恩淳漓心獨知

微軀苟不泯報答寧無時
願言崇令德千里以為期

兵後奉臺文撫綏沿海州縣

奉檄循海濱遠林風號悲
山徑尚疇昔流泉猶在茲
蕭條喪亂後戶口俱流離
丈夫已半死婦女向我啼
婦啼一何哀顏色含酸淒
逃生甫復業又為強者欺
猶聞有征稅誰念寒與飢
白日雖照臨訴之如不知
我聞辛苦言淚下安可持
一夫苟失所尚為王化虧
顧語州縣吏勞心撫甓磬

送唐括萬戶出西門

淵淵伐征鼓煌煌過文旗
將軍乘大馬劔戟行相隨

吉日既就道輜重同時移送者驗疇昔行人傷別離
丈夫次戎旅私情何足悲勳名在多故斬伐勿愆期
不驕亦不歉堂堂乃王師勵子英妙年慰我憂虞思
身輕君命重行矣無遲遲

送惟敬萬戶

庭前合歡樹春風好顏色采掇以療飢翻令成疾
豈無菽與稻豈無麥以求置棄不復用言之為於邑
於邑涕滂沱死者死以多將軍涉海上江南竟如何

次陸士弘韻二首

欲醉不自知起舞衫袖窄長松羅中庭離離似賓客

鳥啼秋已深落日溪上白適意且盤桓母云歲年迫
邑有陸巡檢日日從我游一日接官去飄然不可留
乾坤無停運溪水日夜流人生非狐兔安能同一邱

送恩迎普參政回城有感

車馬餞西郊眾人攜酒來遠送涉長阪近者到城回
情疏相顧笑意感有餘哀悲歡安可說擊鼓高帆開
帆開望不極我歸日將夕向來威與愛既往今無迹
明朝入官寺索若無家客獨上高城端迢迢越山碧

題陳尚書慶甫節齋

人性本純厚秉彝自天生一為物所誘嗜欲紛營營

後庭曳羅綺華筵擁簫笙食有費萬錢飲或盡百觥
窟室恣淫泆金谷矜驕盈樂極不知止卒為禍患并
聖人畫八卦與世正性情寓意坎兌間首訓節乃亨
節之禮云何惟其失中平太過與不及義實為權衡
嘉言著方冊炯炯日星明世俗等聾瞽植甘冥行
陳侯古君子韋編久研精竭來奉王命作牧河南城
新齋占吉卜遂以節自名富貴知戒懼德行庶有成
此心苟能克足以蘇疲泯英辭發奧義藉甚皆名卿
鄙夫何為者強顏僭題評詩成一撫掌自笑蒼蠅聲

送許至德還山

霜清水留痕風高木歸本都門送行客白日郵亭晚
三年卧京國高爵不掛眼飄然拂衣去歸袖豈容挽
永懷古人心獨善亦兼善不見無心雲何嘗計舒卷
青青四山木猿鶴有歸伴矯首西南天鴻飛一何遠

贈劉希晏

海波一沸騰橫潰墊萬類冥冥雲外鴻超然遺世累
舉世愛熱宜先生樂遊棄舉世甘哺糟先生獨不醉
隨身一布袍終日一簞食十年歌紫芝不覿富貴餌
蕭然環堵居中有千古意曉日樹旌幢晚風蛙鼓吹
羨君有兩腳不踏權門地羨君有兩眼不下窮途淚

敝屣祿萬鍾浮雲馬千駟豈惟激貪污足以鎮浮偽
君如秉鈞軸必致雍熙治君如坐憲臺必令權倖避
補袞定忠臣分符決良吏河清查難期鳳凰邈不至
壯哉東海心清矣西山志顏波屹砥柱有死心無二
行藏豈徒然舒卷有深志鄙夫閱人多過眼紛難記
一識元魯山眉宇入夢寐昏昏霾霧中忽睹景星瑞
碌碌盆盎間乃見清廟器誰人傳逸民敢告書姓字
他年蔡伯喈作碑真不愧

贈王國器

羨君如沈水盈斤實易和愧我類昌歎嗜者殊不多

荒村掩關坐衡門可張羅君獨不可鄙暇日頻來過
明窗淡相對蕭然兩頭陀既去令我思白雲閑品阿
憶昔定交初貌如醉顏酡一別二十霜兩毛颯將皤
餘齡復幾許漂如萍隨波常恐風雨散相望邈山河
茅齋對清流石牀陰藤蘿時時攜拄杖聽我商聲歌

贈宜興孫士傳

月色庭樹涼蛩聲秋夜靜連床逢故人往事心獨省
流光變華髮妙語得深警欲卧神更清殘燈壁間冷

玄妙觀設醮贈王真人

散花寥陽殿琅琅振瑤音雲璈間笙磬香煙結層陰

帝真馭華軒鸞鶴下來臨三元慶嘉會五老書丹枕
東誠宣妙範流津滌中襟耀靈昭景既信禮稽首欽
寄中峰兩道者

中峰兩道者落髮山中住不知今幾年忘卻來時路
夜靜星斗寒獨坐長松樹欲往從之遊冥冥隔煙霧

題山水

待渡見孤舟穿林望高閣雨餘泉脈動日照巖光薄
閉戶茅屋深汲水松花落回首白雲間兩人相對酌

奉化早出州治呈善樂知州

帶星入州治高堂晨燭孤庭樹不可辨遠屋聞啼鳥

坐久曙色至司閤掃前除羣吏習晏起來緩亦不呼
青山繞四郭日出公事無莫云公事無今有賢大夫

悼內

幼小結髮初已知有離別生別尚可忍死別情切切
自非學神仙茲事諒難脫况復遭亂離全歸非夭折
所嗟臨別時言絕意不絕悲風颯然至與君成永訣
食魚不去膽苦心向誰說

遣興

處世百無忌惟俗不可為古人有格言俗便不能醫
日與俗人遊潛化俗人姿持此甚俗態求為不俗詩

譬彼東家女顰眉效西施百花敷春林片月涵清池
此中有佳處幾人得真知興慙成獨任意行隨所之
得句謝雕鐫東風水連漪獻芹豈不誠按劍多相疑
自吟復自咏聊以樂我飢

過政和弔彭副使

名庭堅以進士授官

芊芊復芊芊秋草生縣前將軍身未死降者不持錢
家犬受人嗾回頭噬其主主死犬亦烹邑人心獨苦
昔從馬上來今從柩中去空留日暮雲猶識將軍樹
溪水流不盡故山空復青誰將一盃酒滴着舊時營

弔左答納失里平章

大臣誰不死死死節今所貴況令妻子貧尤見平生意
君侯死賊中翻為人所忌移家海上居陋巷門常閉
家人領稚子見答衣裳弊言語非昔時悲哉不能視
奮拜聊致辭注然為下淚

閨怨

綠榕暗西窗思婦向空語愁結不成言春羅溼紅雨
刺繡銀針折巧手今成拙閉戶落昏鍾蛾飛燭花滅

題賈員外郎春龍出蟄圖

沈沈百仞淵神物久盤踞乘春奮鱗角凌空忽騰翥
畫師何從見摹寫入練素蜿蜒象外意總向筆端具

丹青咫尺間，洶洶波濤怒。開卷陰風生，令人毛髮豎。
妙畫信通靈，什襲當愛護。須防雷雨夕，破壁遽飛去。
當年葉公家，屋宇廢雲霧。一朝真龍至，奔走反驚怖。
世人顛倒心，千古無異趣。好假不好真，勿笑前言誤。

雨中採桑

淫雨久不乾，蠕蠕蠶苦飢。少婦採桑去，出門已沾衣。
攀條明珠散，摘葉翠霧霏。伯勞無好意，偏向樹頭飛。
螺髻仰面墜，芳膚泥歸來。坐當戶半喜，半怨咨。
箔下火已盡，厨間火未炊。明朝還不晴，小姑莫相隨。
溼桑飼飢蠶，何得成繭絲。

松化石

青松抱貞心，不受風霜欺。年深隨物化，成此堅頑姿。
節理宛然存，脫落膚與皮。流俗以為怪，達人固無疑。
物生天地間，顛倒相變移。螢飛腐草根，蝎孕枯樹枝。
機緘蓋密運，朕迹誰能窺。且如六尺軀，託彼造物兒。
童孩至老耄，化化無停時。一旦天年終，或與異物為。
觀物不觀身，此意良可悲。悲人不悲己，余亦悲余癡。

古來山辛丑元日

焚香秉明燭，晨起瞻太虛。太虛寂無聲，萬木青扶疏。
高堂擊鐘磬，諸僧相拜趨。從容至階下，延我造其居。

素饌發芳馨清言亦敷腴但云時序改豈知今古殊

悼唐子華

苔水清見底日夕東南流東南望不極水逝波悠悠
涼風悴蘭芷君子不復留昔為湖海人今從螻蟻遊
人亡迹俱泯文采隨時休懸塵暗華屋灌木羅高丘
白壁再難得令人生遠愁

遷居

兵塵暗關塞久作異鄉客風蓬離本叢轉徙無寧迹
假茲尋文室偃仰聊自適去來亦何心華陋初不擇
茅簷與大厦等是督郵驛我身非戎有何者為真宅

煌煌權勢子甲第臨光陌朱門鐵其樞準擬壽金石
人生能幾何屈指不滿百繁華一約絲鈞富貴幾兩屐
呼兒具斗酒一笑百憂釋飄泊余何嗟聖有不煖席

白馬篇

白馬從西來飄飄越燕然一蒙公子顧他人徒自憐
銀鞍照白日顏色同新鮮左挽青絲韁右執文犀鞭
不揮亦不頓中道行翩翩長隨羽林仗後騎不敢先
忽聞豺虎亂從軍戍南邊災荒無涼月飢飲熱水泉
捐軀安足惜所嗟力未宣寧同騏驥死不與駕駘全
瞻望和鸞鳴矯首心懸懸

玉淵

霍山冠河東帝遣鎮茲土其下有溫泉浩浩自太古
長渠注町畦平地散膏乳熙熙兩縣民比屋飽秬稌
傳巖久寂寞誰解作霖雨藉此無盡波紆爾旱歲苦
飛亭敢洪源碧色浮棟宇昔人題玉淵無乃見其粗
我將易新名濟物功可取榜為永賴泉萬世配神禹

此玉淵
在河東

寄王彥良

聞名久欲見入門如故交未語各相笑眉目皆吾曹
清言涼風生雅度秋雲高別去忽不見今來生二毛

寓福州太平寺

晨往日未出暮歸日已墜猶如孤飛羽獨向林中寄
風吹庭前樹葉落猶在地可憐羈旅人汗漫無歸計
無歸可奈何出門歧路多未知安集處不覺涕滂沱
三衢道中宿舍輝宮有懷故人

餘靄散平川遙林隱高閣道士出相迎開門松子落
故舊值干戈蹤迹應飄泊思君生夜寒坐久衣裳薄

初去官

翩翩林間鳥既飛亦既舉漾漾川上魚悠悠各得所
人生天地間何事耽纓組始薦欣自榮既來不堪處

重賦罹予憂對客不敢語庫智疲其形不敢告勞苦
郡大夫則明我從事獨忤錦衣而華輶出門即有侶
服羸而飯蔬為眾怨之府吁嗟乎蒼天胡道之不古
被檄去州縣庶幾無罪侮

送前任奉化州判官汪季章任滿

風吹江上浪相隨順流下深愧後來人不及前行者
蕭條勾章縣官衙在中野公田不得收斗粟無人假
況復勞人役賣卻來時馬治容人共憐誰能顧閑雅
惟當守孤操莫謂知者寡送子復愁予長歌淚盈把
呂成夫自徽州至同宿見滄僧舍時呂將之

諸暨判官任

故人在兵間三載不會面暮雨山寺中聞聲已如見
因言避賊時有官不如賤欲語恆懼人依親久還倦
落日原野黃滿眼飛羽箭萬井蓬蒿沒一年艱遇遍
欲求東吳郡復有之官使路背軍營行船隨溪流轉
相逢生死間語多情眷眷不意今夕人懸燈對僧院

新昌縣夏家村謁高祖墓

縣西行數里始是夏家原年深無宰樹慘淡日色昏
浮雲與流水猶是識諸孫衰回不能去父老聽我言
木生則有根水流則有源前人有積德亦欲高其門

高門棄止壠不如無後昆我行江海間父老長在村
願愛墳前路毋令荆棘繁庶有後來人感爾鄉故恩

奉題王轉運雪擁藍關圖

狂飈攬穹林老雪屯壘嶂虺隤馬不前雙鑠氣逾壯
丹青彼何人畫作寒酸樣一片忠義心荆關莫能狀

端午日作二首

無事散徒旅卜此林壑居流泉繞門戶夏木已扶疏
沈當時雨零新苗滿郊墟悠然有生意懷抱亦已舒
佳晨閉關坐父老來徐徐各攜一壺酒侑以肴與蔬
既歌亦既酌清言雜詩書匪無憂世心力弱安能扶

終隨辟秦者深遊保微軀

幽居

深林得幽居窈窕開窗牖焚香汲井花寂坐空諸有
何人杖屨聲白髮東隣叟相見無可言窗間一壺酒

題江山萬里圖

岷江入東溟風浪無晨暮芳渚被蘭苕去帆入煙霧
樓上夕陽人天際淮南樹遠別勞夢思封書寄行路
鳴鳩莫先鳴水生桃葉渡

過翁源嶺

朝暾入寒林濃霜化為露雖嫌衣袂溼殊深衝煙霧

僕夫怯深澗久立不忍渡顧語勿踏躄予非樂行路
雪中遣懷

陰氣迷六合玄雲暗千岷霏霏白玉塵糝徧平陽街
烏薪燒不繼僵卧吟寒齋瘦骨無暫溫拳拳若枯柴
朱門酒如川當筵列金釵奈何窮途士一飽不得諧
富貴多交游羈寡朋儕毀方豈不能懼與道義義乖
榮枯等一夢何殊蟻緣槐豈以無饜心養此有盡骸
浩歌激商聲一洗滯吝懷

跋四皓圖

秦人焚六籍儒流道斯窮四老晦其智遁迹商山中

唐虞沒已久溷溷吾誰從長歌紫芝曲盤桓友雲松
斷蛇開漢業提劍矜豪雄禮聘雖屢至寧能屈吾躬
豔姬蠱君心將以孽易宗翻飛赴佳招羽翼安儲宮
功成反不居敝屣輕千鍾拂袖返故山翩若冥冥鴻
出處與道俱往哲將毋同畫圖瞻遺像千載仰清風

防河行

羽書徵防河鼓角催曉發妻子送軍行望眼鳥飛滅
玄陰閉天地兵氣逾粟冽飛廉鼓大冶爛銀變溟渤
津頭點區脫經歲不黔突午炊引遠水冰底聽汨汨
荒戍朔雲凝遙原秋草沒一聲邊鴻叫窈窕關塞月

邏人枕戈眠平明四山雪

吳興挽唐子華夫人詞

丈夫未有子娶婦惟少妙專愛不舍弘繼嗣安可保
溫溫唐夫人及歸雖不早能令娣如間競採宜男草
今日送輜車齊哀人滿道

過姑蘇寒山寺

泊舟西郭門步入寒山寺寒山笑不語行人自愁思
猶聞遠窗磬未泯石間字釋子持茗來清言暫相滯
宿省時駐軍元帥府坐至夜分隱隱聞有悲

歌意感而賦此

曠宇坐清夜高簷落疏雨城外無警報歷歷聞鐘鼓
時有小校來攜燈立西廡下令授軍符宵行視戎旅
熒熒熠燿飛蟋蟀鳴在戶傷彼營中

時路

夜靜星斗寒獨坐長松樹欲往從之遊冥冥隔煙霧
久雨

春花雨中盡夏綠雨中長斑鳩日日啼青苔生屋上
閉門深巷中三月無清賞冥冥山水暗杳杳時序往
溼雲有餘姿驚雷無烈響陽靈久潛曜令人意惆悵

廢寺

紆回涉深澗窈窕創禪居珠林羅寶坊碧水青芙蓉

香厨出妙供華閣貯靈書優游釋門子樂哉相與娛
明月不常滿河水有時枯城市一朝變山林迹亦無
不見栢與松但見蓂與蕪狐狸上屋樑白晝相號呼
釋子去已遠門空佛亦孤惟與灌園者力弱難荷鋤
但逢行路人每問今何如徘徊有所望日暮登高墟

立秋後病起

病起聞立秋出門日光薄草木如旅人未衰情已弱
野田含微黃歲暮欣有託溪水夜來深悠然坐東閣

山中婦

白髮山中婦拾薪幽澗底不是沒男兒城中納官米

納米有時歸官差無了期到家煙火減獨自立多時

寓庵集

七言古詩

○送麻君信之歸河東

元 李庭 撰

歲筵九苞鳳璀璨五色麟由來瑞物應圖牒千古一
出驚時人河山蘊蓄英秀氣端為王國生奇珍惜哉
命不與時偶悠悠白首埋風塵愛君一何深識君憾
不早東風二月汾水頭一見襟懷即傾倒竭來平陽
城得酒即相覓亭亭玉樹倚蒹葭自愧才華非匹敵
一朝送我還故鄉慨然相贈雲錦章到今六七年篋

筍蘭蓀香不意春來重會面一罇未盡還相餞秋鴻
社燕兩匆匆別憾蒼茫滿秦甸乾坤宜網方彌路黃
鵠高飛莫回顧煙霞從昔少人爭太華中條有佳處
長安倦客亦思歸屈指秋風定拂衣一曲紫芝千古
意與君分採兩山薇

○上馬行

有馬有馬黃全羈公莫上馬公莫疑鸞翔虎躍日月
動掣電驚雷神鬼奇人間靈物動恍惚朝刷扶桑莫
咸池只愁控御失其道古人已逝能者誰豈無王良
與造父側立審視求其宜紛紛少年勤遠略便欲赤

手駢蛟螭攀鞍執策不自料眾人從吏來相催翩然
上馬悔莫及千里萬里無還期黃河流水不可度太
行積雪安能馳疾驅前途荆棘暗卻反故煙塵迷徒
御不來天欲暮茫茫四顧斯何時公莫上馬公且來
山中酒熟山花垂長衫大帽風日好輕鞋短杖春遲
遲童子雖嫌行步緩老夫未覺精神疲流水悠悠川
上過白雲漾漾天邊移欲往即往歸即歸有馬有馬
他人騎

○跋支道林馬圖

衲僧愛馬疑千載好事相傳入畫圖一場譏評去幾

時休到底無人為開解道人心鏡湛虛明照物何曾
有留礙等閒觀色似觀空不離前塵得三昧養生還
自解牛悟全德或因畜雞解我今說破老師心從此
披圖莫生怪

題商山四皓圖

出商顏定漢儲高名千古與山俱書生白首成何事
枉著狂言穢畫圖

效鮑參軍體

蛛絲結網絲綺琴謂是絃絕無知音美人今朝拂拭
去金徽玉軫動人心上絃別鶴下離鸞翠房娟娟春

日閑青絲白馬何當還

謝商參政惠銅雀瓦硯

左山相公清且廉惟餘好古心無饜家藏奇硯不知
數馬肝鳳味盈箱奩建安鄴瓦年最遠愛惜不啻黃
金兼長鬚持贈慰哀朽以貴下賤何其謙一朝奇寶
墮掌握坐覺光彩生窮簷既不能草賦擬三都頓使
洛陽紙價添又不能作碑福先寺要令一字酬三鍊
庸虛何以當此贈赧然愧汗衣空沾聊書鄙語報勤
厚博公一笑為掀髯

遊廣勝寺東巖

年來百念如寒灰老眼慵向時人開猶有愛山緣未
斷芒鞋信步東巖隈東巖幽勝甲晉境寒藤枯木生
蒼苔誰鑿雲根泄海眼驚波深瀉如奔雷衲僧具眼
覩天奧作亭闢爾臨淵洄亭中空洞納萬象收奇攬
秀無遺材倚闌清坐洗塵念灑然冰雪涵靈臺上方
一目盡千里勞筋未暇窮崔嵬百年名利燼一炬可
憐金碧成蒿萊世間興廢豈足道會看穹壤論三災
短生乘化不暫駐須臾變化隨風埃心知所歷皆夢
境題詩漫識吾曾來下山一笑便陳迹但見白塔蒼
煙堆

送孟待制駕之

渥洼龍媒天馬子墮地一日能千里月中折得最高
枝回首銅駝荆棘裏學館淹留三十年白髮青衫誰
料理否極而泰乃固然一夕天書墮窗几掃盡塵氛
日月開金鸞玉署須英才萬言倚馬可立辨當使號
令驅風雷長楊羽獵未要作丹宸箴規固不惡丈夫
致主必唐虞太平勳業看真儒

題古幽龍窩圖

古木陰森山突兀下有千尋老蛟窟養成頭角儘崢
嶸未得雲風且盤屈蝦躍蟹跳相靳侮鼻息如雷正

鼙鼓一聲霹靂飛上天普洒甘霖蘇萬物

息軒

黃塵滾滾平陽道去馬來牛幾時了小軒高枕謝勞
生曠遠如君今亦少窗明几靜無一事三幅黃紬擁
清曉身如古廟瓦爐閑性似碧潭霜月皎息之一字
亦安用萬法本空人自擾都將此理付無言簷外秋
風搖碧篠

題劉光甫河山形勝圖

大河之源出崑崙伏流地中其水渾一曲一直九千
里遠歷西域來中原龍門千古仰聖作兩山宛然疏

鑿痕客舟萬艘付萬死蛟龍慘淡愁飛魂蒲關鐵牛
駕長虹牛力不支一已奔東經茅津勢逾壯激石射
岸雲濤翻首陽太華遙相望陝郊蒲坂俱名藩古來
秦晉二大國恃此天險傳世婚三門河面天上落底
柱屹立迎朝暾有如咸池濯日後梁公儼然烈言言
客從西來慣登陟艱難萬狀難具論忽開橫軸坐見
此破墨者誰留東軒國子先生不憚煩按圖尚惜遺
孟門豈知河東有雄觀天矯落落居工原河流拍岸
政湍猛漸如蝕月鉤許存狂瀾俯首就束縛雖百雲
夢以氣吞有時水底雷電擊明朝數州雨翻盆上有

層巒下重淵，劍戟森然擊。鼓喧奈何河，山真表裏水。
墨不沐，詩人思東徐。呂梁周盟津，五嶽更有他山尊。
祇知齊國有管晏，不覺我亦如公孫。君不見靈槎上
天漢，張騫貳師假途征。大宛安得壯士挽，天河一時
為君洗乾坤。光甫初云先大夫所畫止於關陝之間，蓋素所見也。馮祭酒子俊題詩於前，又述五門之險，亦君之鄉也。公當以火山之天橋繼其後，各以鄉中之河山爭勝，以此故畧具云。

哀歌行

江州在江南，舒州在江北。楚人輕佻厭承平，抵掌吹
脣弄鉤戟。私鹽船上插紅旗，下江攻城如箭急。前年
江州李侯死，余侯今歲舒州歿。獻策俱登龍虎榜，專

城不避豺狼窟。文章已照汗竹青，姓名直與秋虹白。
當時儒服世所輕，一代綱常兩侯力。李侯能死離亂
初，劃地所開忠義途。題詩屋壁雷電走，坐對白屋能
捐軀。可憐有子如玉屑，雪麾之不去亦已殂。余侯孤守
六載餘，扞蔽江淮功莫踰。鄰藩不借睢陽粟，間道久
絕長安書。一朝城壞侯已死，妻子賓客同時俱。兩賢
相對如壁立，江水欲流流不得。瞿塘破碎白日昏，盤
渦無底潛蛟泣。江南江北春冥冥，忠魂對語百鬼驚。
汀蘭既芳亦既歇，江豚吹浪何時平。邊江大船搖四
櫓，不載私鹽載兒女。卻厭紛爭無了期，夜祭船頭過

江去

李進之迂軒

先生心古貌亦古干戈滿地冠章甫既不學弊裘李
子佩印走六國又不學綠幘少年挾彈遊三輔一軒
塊坐工績文庭院不知漂麥雨長鬢倚門私自語作
奴莫作詩奴苦新吟初不療寒飢猶誦唐詩課兒女
書生憐人不自憐以江濟水吾猶汝莫朝醬瓠覆瓦
文焉知後世無子雲

獨遊清窟

溪水無聲岩樹碧古苔滿地花狼籍我來蕭散淡無

營獨立看雲倚蒼石嗒然物我兩俱忘宛然枯蝟粘
壞一聲啼鳥喚人歸隱隱殘陽下山脊

楊妃菊

漁陽鐵馬嘶函谷夜半青驪催幸蜀可憐倉卒馬嵬
傍三尺生綃縵紅玉沈香花萼變荆杞燐走螢飛鬼
宵哭妖魂一去復誰招脉脉餘妍記秋菊生前豔治
惑君王身後精靈鍾草木長生私語香難憑萬古東
籬怨幽獨瑤肌被酒暈仍在粉頰生香睡初足晚來
涼吹動纖枝猶舞霓裳舊時曲當年傾國與傾城尤
物移人詎為福至今嘉蕩擅虛名徒使癡花生愛慾

秦川野叟妄習盡老眼如花如隔穀援毫未暇賦閑
情且對南山吸樽醪

○ 答邊巨源

塞予平生酷愛閑雅思卧雲對青山天公慊慵故相
惱長使奔走塵埃間塵埃蔽目世路險左機右竅行
良艱長蛇磨牙蠱搖尾同人鬼域潛榛菅含沙射影
期必中巧若升穀無虛彎閉門久厭童稚眊如帶柱
枯日重園中宵好夢落林藪扁舟弄月清溪灣何時
煙蘿一節屋烹煮芝朮扶危屨登危躡險筋力健追
逐猿狖窮躋攀振衣長嘯萬峰頂擾擾聚蟻悲人寰

不然懷書叩閭闔薦引正直誅邪姦滌瑕蕩穢布新
令坐使萬姓開愁顏惜哉兩事俱未遂向來綠鬢今
華斑因君問我寫伊鬱臨紙老淚空潺潺

○ 題戴嵩牧牛圖

儂兒生長清溪曲雨笠煙蓑一生足春風綠草滿汀
洲千角吳牛隨意牧牧牛去來牧牛去來往慣踏溪
頭路溪深牛背穩於舟手掉金鞭揮不懼畫師畫汝
豈無情羨汝安閑得此生讀書覓官祇自苦畢竟無
憂不如汝

○ 又諸君同賦戴嵩牧牛圖效閑閑體

東臬雨足沙草肥爾牛來思朝露晞或訛或鳴恣所
適愛犢自是全天機阿童牛背吹橫竹聲入秋風斷
還續憑誰采取笛中曲留與詩人歌考牧

○吊李彥成二首

聖人立論誰能破善必降祥淫必禍先生高義眾所
推抱病一生長坎坷太虛誰握造化柄報施如斯無
乃左趾耆回天使人疑欲問穹蒼無路可賴公平日
道力堅洗滌萬緣惟宴坐心如古井自安閑身似空
花儘開墮適來適去總倏然壽夭窮通寧計那我慙
俗學未有得無恙頑皮強包裹不知旅枕寄邯鄲猶

聳吟肩來飭顛茶然疲彼幾時休安得如公脫纏鎖
杯濁酒醉東風我吊公耶公吊我

天蒼蒼地茫茫紛綸人物滿八荒此身最爾寓尋尺
何啻一粒在太倉烏飛烏飛兔蹶蹶暮往朝來無暫
歇百年倏爾寄須臾何似劍頭吹一吹富貴榮華都
幾時九原塚墓空纍纍了知生死皆夢幻來何足喜
去何悲近世誰人明此理河東通儒李夫子平生道
學造精微真得南華骨中髓我初踵門來見公一談
便契將母同公今乘化返真宅顧我猶在勞生中佳
城鬱鬱荒山底一首挽詩聊爾爾撻蓬不必問髑髏

我信先生未嘗死

○題甯戚扣角圖

星河耿耿天氣涼短衣飯牛哀歌長扣角一聲激清
商永懷堯日依末光嘗聞巢父逢堯讓洗耳河邊掉
歸鞅東皋雨足草連雲且與浩歌牛背工

○贈李濟夫

結交貴以心相識不在面平生求友遍四方惟子始
終無少變世間英俊達機權順世趨時若丸轉朝為
管鮑暮仇讎僅與世人爭一線天乾地涸兩窮鱗吐
沫相濡定何戀乃知道義未全泯耿耿交情久方見

十年晉陽城閱盡輕肥兒賞音一變足紛紛徒爾為
何以持贈君千載青松枝願君保貞心勿逐時世移

贈王壽之

髯兄少日人中豪文章談論天姿高讀書萬卷更讀
律掉頭不肯為蕭曹一行挾策作舉子紛紛憂患如
牛毛晚年欲學柳下惠屈身小職甘鋪糟我謂髯兄
君勿恥向日都非今日是早知刀筆勝儒冠不向寒
山翻故紙文班楊馬行顏閔餓死蒿萊竟誰問一編
城旦作梯媒篋有黃金腰有印

韓邦傑清音亭

青山四合如圍屏下有百折流泉鳴泉鳴非宮亦非
徵中含太古之遺聲令人好今不好古此地久曠無
人爭勸農使者有高趣居官不為官所撓游心雅在
塵垢外茅亭巧構臨寒泓空山夜寂秋月明且邊淙
淙復瑤瑤初疑庖犧五十絃之瑟又類女媧十三篁
之笙絲耶竹耶兩莫辨但覺洒然境與心俱清迺知
山水中間元有自然之雅曲不待五音六律足以移
人情伯牙已矣不復生水仙一操空留名爾後惟有
漫郎得此意南磳水樂十載無虧成九原英靈如可
作相邀徑上清音亭一樽濁酒聊同傾

春雲

林梢習習東風軟石上白雲生片片適從膚寸漸成
衣俄見千尋如電練方春亢旱農夫愁眼穿日望千
山頭徘徊弄影聚復散欲出不出閑悠悠雲兮雲兮
無久住人生仰爾為霖雨一沛甘膏萬物蘇功成卻
返青山去

薦士

為希
宴作

崑崙駭浪從天下魚躍龍門爭變化誰令蝦蟇作威
福無翼黃金飛半夜豈知林壑有佳士偃蹇蒼煙索
高價竹花不實寧飢死腐鼠區區謾勞嚇薦賢有墨

賴誰磨撫劔悲歌駭鄰舍擬欲排雲斗帝閣守關虎
豹令人怕知君學道深履踐淳德今為二程亞素衣
不染洛陽塵凜凜高標齊太華優游諷議大官側餘
論齒牙當一借異時安石起東山鄙夫敬為蒼生謝

題虞伯生歸田藁後

青城先生文章伯三十餘年住京國朝朝騎馬踏春
泥去上玉堂看曙色此時川嶽久承平將軍賦詩丞
相聽聖人讀書奎閣閱九天冠弁明華星先生久對
經筵直獨擅才華稱第一片言隻字落人間白璧明
珠人共惜丹成九轉鼎湖空清淚連連夜雨中鄒牧

零落圖書暗不忍徘徊入漢宮承恩許向江南老扁
舟卻返江南道道上新詩信手吟山中題作歸田藁
歸田之樂樂不知烏啼花落水平池乾坤蕩蕩無遮
蔽正正山齋獨坐時當時只在東華裏紅塵應答何
當已空將一段自然春人間散作閑桃李我欲更衣
衣已破下逢仙棗如瓜大已甘衰病老林泉椀內加
餐牀裏卧扶犁早起忽欣然自把歸吟一過玉堂學

士老歸田

原缺

上車

齊州城頭日欲晡江南客子初上車少年伏軾誇雄

辯指點齊魯連青徐羣驢服箱馬負輓驂以黃牛強
有力鳴鞭落手星火飛轅端六轡如弦直安行事異
蒲輪召棄繻各負經邦策攜書夜宿逆旅家茅舍土
牀蘆葦席燈前笑語自匆匆夢裏山川長歷歷五更
擊戶催上車雞鳴不比人心急斗杓插地天欲曉六
龍出海光猶溼解后停輶見岱宗蒼然古色晴雲中
孔林可望不可即此情耿耿何由通鼎彝琴瑟儼有
序天地日月無終窮我欲少留不我從驅車去矣如
驚鴻東原昔來城郭壯大樹夾路鳴寒風自憐田野
久蕭索聞說盜賊多如蜂夜來前村騎馬過彎弓射

人雙眼紅廟廊豈無稷與契郡國亦有黃與龔羽書
求盜風火急官軍出城桑東空客子逢人下車立恍
惚不辨西與東道傍積雪高比屋冰花炫日光瞳瞳
瓦橋三關路如砥君子館中迎客喜光玄小髻幕烏
紗紺碧官瓶釀黃米同行共飲各相慰道路難知安
可擬攬衣朝上盧溝橋落月照人寒似水雕闌鐵柱
石狻猊咫尺去天無百里朱光翠色繞皇都大宅高
樓切雲起五門軒冕日交加滿道香塵流紫霞下車
使發江南信五月賞船當到家

城頭曲

長安城堅鐵不如女牆隱隱凌空虛萬夫運土千夫
築朝完暮緝良勤劬詰朝魯箭飛輕羽半夜貔貅散
風雨自焚一炬更可憐不見重樓見焦土百年人事
等閑休殘日荒煙動客愁塚中春水年年綠時有漁
郎擲釣鉤

雪谷早行圖為鄧彥清賦

鄧君北來自汾水遠寄故人書一紙手持雪谷早行
圖邀我題詩借寢美我初少年酷愛山夢裏見山心
亦喜有時杖屨遊山間路轉峰迴興無已一朝四海
風塵昏拋擲田園竄荆杞窮冬踏雪過南山玉樹瓊
林一千里蹇驢破帽畫圖中忍凍吟詩飢欲死天教
漏網盡餘齡否極而亨固其理長安市上酒如川日
日醉眠呼不起黃紬被底有華胥深怕南山來夢裏
還君此圖君且止渡水穿雲吾老矣

過義烏顏孝子墓

顏孝子有親死道傍力不能葬悲彷徨以手掬土走
且藏烏來助之口吻傷吾聞烏亦有反哺低回哀鳴
不能去鴟鴞見之當不顧但欲啄食飛上樹義烏義
烏名不磨孝子之墓高嵯峨空山無人杜宇哭荒祠
古木秋風多邑今年年來祭祀邑中父老同時至人

言孝子是秦人碑文猶說秦時事人心天理不可無
孰不瞻拜生嗟吁秦滅三綱二世絕楚軍入關秦塚
掘

曝書

年來眼花慵看書書中稍稍生蠹魚天晴日暖試出
曝編穿脫簡良紛如小魚身輕走蠖蠖大魚腳鈍行
徐徐須臾陽氣逞酷烈等為枯腊誰憐渠魚兮魚兮
吾問爾一飽能消幾多紙朝吞暮嚙無休時生死區
區文字裏蠹魚卻笑書生癡已身為蠹自不知

送長源李弟西歸岐陽

秋風落落關樹遙秋河耿耿晨星高比鄰誰家翦刀
響遊子一夜歸且勞人間畏途足風濤長裾何適不
自豪秦中舊遊若相問為我鄭重今繞朝

含元殿謠

南山蒼蒼渭水黃含元殿上春草長翮頭野老駕羸
將曉犁耕破宮中牆宮中行人屢回首西望長安小
于斗喧喧車馬鬧紅塵畢竟幾人金石壽